

Алматы облысы бойынша білім беру ұйымдарының ішкі тәртіптемесінің үлгілік қағидаларын бекіту туралы

Алматы облысы әкімдігінің 2015 жылғы 06 ақпандағы № 62 қаулысы. Алматы облысы Әділет департаментінде 2015 жылды 10 наурызда № 3091 болып тіркелді

РҚАО ескертпесі.

Күжаттың мәтінінде түпнұсқаның пунктуациясы мен орфографиясы сақталған.

"Білім туралы" 2007 жылғы 27 шілдедегі Қазақстан Республикасы Заңының 6-бабы 2-тармағы 24-7) тармақшасына, "Қазақстан Республикасының кейбір заңнамалық актілеріне мемлекеттік басқару деңгейлері арасындағы екілеттіктердің аражігін ажырату мәселелері бойынша өзгерістер мен толықтырулар енгізу туралы" 2014 жылғы 29 қыркүйектегі Қазақстан Республикасының Заңына сәйкес, Алматы облысының әкімдігі ҚАУЛЫ ЕТЕДІ:

1. Осы қаулының қосымшасына сәйкес Алматы облысы бойынша білім беру ұйымдарының ішкі тәртіптемесінің үлгілік қағидалары бекітілсін.
2. "Алматы облысының білім басқармасы" мемлекеттік мекемесі осы қаулының аумақтық әділет органдарында мемлекеттік тіркелуін, оның бұқаралық ақпарат құралдарында ресми жариялануын және Алматы облысы әкімдігінің интернет-ресурсында орналасуын қамтамасыз етсін.
3. Осы қаулының орындалуын бақылау облыс әкімінің орынбасары Бахтияр Әлтайұлы Өнербаевқа жүктелсін.
4. Осы қаулы әділет органдарында мемлекеттік тіркелген күннен бастап күшіне енеді және алғашқы ресми жарияланған күннен кейін күнтізбелік он күн өткен соң қолданысқа енгізіледі.

Облыс әкімі

A. Баталов

Облыс әкімдігінің 2015 жылғы "6" ақпандағы
№ 62 қаулысымен бекітілген

Алматы облысы бойынша білім беру ұйымдарының ішкі тәртіптемесінің үлгілік қағидалары

1. Жалпы ережелер

1. Осы Алматы облысы бойынша Білім беру ұйымдарының ішкі тәртіптемесінің үлгілік қағидалары (бұдан әрі – Үлгілік қағидалар) "Білім туралы" 2007 жылғы 27 шілдедегі Қазақстан Республикасы Заңының 6 бабы 2 тармағының 24-7) тармақшасына сәйкес әзірленді және білім беру ұйымдарының ішкі тәртіптемесінің қағидаларын

әзірлеу және бекіту үшін негіз болып табылады.

2. Үлгілік қағидалар білім беру үйымдарының ішкі тәртіптемесінің қағидаларын әзірлеу және бекіту кезінде бірынғай тәсілді қамтамасыз ету мақсатында әзірленген.

3. Білім беру үйымдарының қызмет режимін ескере отырып (білім алушылар мен тәрбиеленушілердің тәулік бойы болуы, олардың белгілі бір уақытта ғана болуы, оқу сабактарының ауысымдылығы және білім беру үйымының өзге де жұмыс ерекшелігіне қарай) білім беру үйымының әкімшілігімен педагогикалық және өзге де білім беру үйымының қызметкерлерінің жұмыс уақытының және демалыс уақытының режимі белгіленеді.

4. Ішкі тәртіптемені қамтамасыз ету мақсатында білім беру үйымының әкімшілігі білім беру үйымының қызметкерлерінің, сондай-ақ білім алушылар мен тәрбиеленушілердің білім беру саласындағы Қазақстан Республикасы Заннамасымен және білім беру үйымының ішкі тәртіптемесінің қағидаларымен оларға жүктелген міндеттерді сақтаудың қамтамасыз етеді.

2. Білім беру үйымының ішкі тәртіптемесі

5. Білім беру үйымының ішкі тәртіптемесінің қағидаларында:

білім беру үйымының әкімшілігі және педагогтерінің білім алушылармен және тәрбиеленушілермен өзара қарым-қатынасы;

оқу-тәрбие процесіне қатысуышылардың тәртібі;

білім алушылар мен тәрбиеленушілердің білім алуды және өмірі мен денсаулығын сақтау, балалардың құқықтарын қорғау үшін жағдайлар;

үйым қызметкерлерінің кәсіби біліктілігін арттыруды үйымдастыру;

білім беру үйымы жұмысының басталу және аяқталу уақыты, олардың арасындағы үзілістер;

білім алушылар мен тәрбиеленушілердің оқу сабактарының ұзақтығы қарастырылуы тиіс.

6. Білім беру үйымының әкімшілігі қызметкерлердің, білім алушылар мен тәрбиеленушілердің, сондай-ақ олардың ата-аналарының немесе занды өкілдерінің білім беру үйымының ішкі тәртіптемесінің қағидаларына қолжетімділігін және таныстыруды қамтамасыз етеді.